

上饒縣志卷十四

武事志 府武事代錄

兵可不用不可不備設險以守大矣時義封山示禁實地
攸宜歷稽往牒草竊時滋

熙朝化日莽戎罔伏人樂春臺含舖鼓腹志武事

廣信府

唐

寶應元年壬寅秋九月台州賊袁晁陷信州 豫章書

廣德元年李光弼部將張伯儀討平袁晁 綱目

上饒縣志 武事
卷十四

元和二年冬十月削李錡官爵屬籍徵江西兵出信州 唐書

乾符五年戊戌春二月王仙芝餘黨陷洪州 黃巢陷虔吉饒

信等州 通鑑綱目

廣明元年庚子正月淮南將張潏及黃巢戰於大雲倉敗之
四月潏克饒州五月潏及巢戰於信州死之 僖宗本紀

豫章書云張潏渡江擊賊帥王重霸降之屢破黃巢軍巢

退保饒州別將常宏以其眾數萬降潏攻饒州克之巢走

屯信州遇疾疫卒徒多死潏急擊之巢以金啗潏且致書

請降於高駢求保奏駢欲誘致之許為求節鉞時昭義感

化義武等軍皆至淮南駢恐分其功乃奏賊不日當平不煩諸道兵請悉遣歸賊知諸道兵已北渡淮乃告絕於駢且請戰駢怒令潏擊之兵敗潏死巢勢復振

天祐四年丁卯四月梁代唐冬十二月楚王殷遣兵攻信州刺史

危仔昌乞師於吳越十國春秋

按危仔昌通志載其兄全諷王封廟食仔昌與四州俱多政績子德昭易姓為元入仕吳越官揆席有賢稱與唐僖宗本紀及張傳傳所載事跡互異附識於此

五代

上饒縣志 武事 卷十四

唐天祐六年己巳唐亡於四年晉敗淮南猶稱唐天祐六年乃梁開平三年秋七月歙州

刺史陶雅使其子敬昭及都指揮使徐章將兵襲饒信信州刺史危仔昌請降淮南以左先鋒指揮使張景思知信州遣行營都虞侯骨言將兵五千送之危仔昌聞兵至奔

吳越豫章書

後唐長興四年癸巳吳太和五年冬十一月吳信州刺史蔣延徽

引兵攻建州通鑑綱目

秋七月閩建州土豪吳光帥眾來奔且請兵冬十一月信州

刺史蔣延徽引會吳光攻建州十國春秋

齊王開運三年丙午

南唐保大四年

秋八月陳覺擅發撫信州兵趨

福州

十國春秋

後漢隱帝乾祐二年

庚戌仍高祖號南唐保大八年

冬十一月邊鎬統信州

屯兵以覘楚

南唐書

宋

建炎四年四月辛丑王德破妖賊王宗石於信州貴溪縣執

其渠帥諸縣悉平七月己巳詔王玚部兵屯信州八月丙

戌命李捧使道過信州招捕斬賽戊子以饒信妖賊平赦

二州徒以下囚蠲民今年役錢

宋史

上饒縣志

武事卷十四

三

二十年庚午夏四月信州妖賊黃曾等作亂陷貴溪縣江西

兵馬鈐轄李橫等討平之

宏簡錄

景定二年辛酉秋八月謝枋得募民兵守信州

豫章書

元

至元十二年乙亥謝枋得以兵逆呂師夔戰敗走入安仁調

淮士張孝忠逆戰團湖坪中流矢死師夔下安仁信州不

守枋得棄妻子入建寧唐石山

宋史

二十六年己丑秋七月誅信州叛賊鮑日惠等三十三人

元史

至正十二年壬辰春二月徐壽輝

簡牘天完

偽將項普畧陷饒州

路遂陷信州以江浙行省左丞亦憐真班爲江西行省左

丞領兵收捕饒信賊十二月以信州克復赦誅誤者錮其

夏稅秋糧元史

三月賊陷信州執于大本不屈死元史

十九年己亥夏六月天完將陳友諒攻信州元江東廉訪使

伯顏不花的斤往救死之綱鑑續編

伯顏不花的斤傳入藝文

至正二十年庚子夏六月明兵取信州路元史

二十七年丁未明太祖吳元年何深獲陳友定守將張子玉因請發

上饒縣志 武事 卷十四

四

廣信撫州建昌三路兵規取入閩太祖喜曰子玉驍將擒

之則友定破膽乘勢攻之必克乃令廣信指揮朱亮祖由

鉛山建昌左丞王溥由杉關會深齊進明史

明

正統十年浙江處州賊王能鄭祥四倉大頭葉宗畱聚眾千

餘人掠永豐巡按會同都司調南昌衛廣鉛二所官軍及

六縣民壯與王能等戰官軍被殺者甚眾永豐令鄧頤老

人余斌入山招撫王能三十五人聽命給以劄付以永豐

二十四都瘠荒田地給與開墾耕種克快手協同六縣民

壯於永豐之橫山頭設教場都司翁統集二所官軍以時
操閱以鈴制之王能既降計誘鄭祥四倉大頭等三百餘
人悉斬於永豐十五都獨宗畱與部下遁去

鉛山志

十二年十月葉宗畱復聚餘黨數百人招龍泉良葛山葉七
為教師由浦城流劫建陽所過焚掠分眾扼守鉛之車盤
嶺行旅斷絕閩賊鄧茂七亦起邵武命都御史張楷督軍
務偕都督劉聚副陳榮帥師討之至廣信宗畱率其黨時
出抄掠軍不敢進

鉛山志

十三年戊辰張楷令指揮戴禮率兵五百剿賊十一月賊至

上饒縣志

武事卷十四

五

黃柏鋪戴禮擊之死傷相半宗畱衣緋率眾前中流矢死
官兵不知為宗畱也賊退入山復擁葉希八為渠帥劫車
盤嶺率眾駐十三都楷命陳榮帥二千人與戴禮合榮至
鉛之祝公橋賊聞風用計誘入周道塢宋家磔兩山埋伏
首尾相擊官兵大敗榮禮皆死榮馬自十三都躍入縣堂

三跳而死

鉛山志

十一月十五日浦城何縣丞率軍快數千永豐知縣鄧頤亦
率本府六縣民快與希八合戰橫山敗績頤被執死之鍾
守侍郎楊寧調南昌前衛及廣鉛二所官軍招集六縣民

壯會於橫山迷不識路不能深入相持數月鉛山志

十四年遣尙書金濂寧陽侯陳懋保定侯梁瑤平江伯陳豫

等率京營及南直江浙等兵討之濂與懋移兵駐廣信分

道入福建未至希八乃使人從鉛弋間道厚自結於茂七

互為聲援此人彼出官軍首尾不能相應鉛山志

十四年二月張楷兵至廣信賊黨圍延平甚急楷馳檄諭以

威信賊果率兵至鉛山圍張樂調都督劉德新乘夜襲之

皆潰茂七僅以身免退保陳山大政記

僉都御史張楷招下張由孫羅汝先等誘茂七出戰中流矢

上饒縣志 武事 卷十四

六

遂斬之擒其姪伯孫與家屬俘獻京師希八勢孤亦出降

始知前黃柏舖緋衣中流矢死者乃宗留也賊平楷遂班

師鉛山志

按招降賊黨斬獲茂七者實由御史丁璫而楷攘其功

也詳見明史列傳又明史載遂昌民鄭仕本斬賊首葉

宗留事在十四年與此互異

成化元年乙酉廣信妖賊妄稱天神惑眾捕戮其魁立解散

明史林 鸚傳

十五年山賊劉陳在廣豐平洋坑鑿山燒炭妄言銀鑛之利

誘煽閩賊聚近萬採鑿既無所得遂劫掠居民焚蕩室廬
殺傷官軍及知府謝士元死者相枕藉道路

祝廷瑞
奏議

嘉靖三十九年廣閩賊犯撫州及鉛山巡撫胡松提兵直抵
信州去賊百里一晝夜竟達撫州諸路並進擊賊大破之

江西以寧

豫章
書

四十一年壬戌流賊張忠洪都等由閩犯廣信委千戶桑鳳
守備鉛山分水關計擒巨寇百餘人

通志

皇清

順治三年丙戌夏四月我兵破廣信先是黃道周督兵出江

上饒縣志

武事
卷十四

七

西詹兆恆以兵侍協守廣信御史周定仍以右僉都巡撫
其地王得功破安仁貴溪定仍督副總姜天衢戰蓮湖我
兵小却已戰小箬渡及河口遂大捷城破定仍自益死兆

恆奔懷玉山

紀事

八年辛卯秋八月傅鼎銓至廣信張村爲我守將所執江撫
夏一諤諭降不應殺之

康熙十四年三月十七日閩中變起弋陽知縣陶耀聞之請
調饒營兵疾赴鉛山先據崇安關以遏其出犯之路久不
至四月二十三日廣營參將柯昇叛移營永豐之鐵山自

入閩受僞都督官導寇出五月初六日饒營守備汪某奉調至弋陽聞廣營已變引兵急趨之至快活嶺遇柯逆別部戰敗走回營於弋西之軍營坂于是不軌之徒相率而起廣信知府高夢說無兵不能拒十一日與同知侯七乘奔赴弋陽居一日賊眾尾至弋民竄徙一空夢說等遂偕陶令赴省二十二日汪守備亦走貴溪把總張名揚者故在柯逆標時雖委防弋陽而家猶在郡柯逆既叛拘名揚之子磨及其家屬以爲質脅之名揚遂授僞遊擊二十九日率賊兵入弋陽六月閩逆遣僞都督羅其熊僞威武將

上饒縣志

武事
卷十四

八

軍葉隆恩僞參軍申繼祖僞遊擊姚文德張森及林振東李蓬頭之屬先後至弋眾數萬人鱗屯四郊江省總兵趙聞變遣其子趙某將兵圖恢復方抵貴溪而姚羅諸寇已至趙某遂與貴溪城守楊名饒營守備汪某共擊之小捷殺賊數百人已而賊大至趙某戰死楊名汪某率餘兵退貴溪遂陷而饒營副將程鳳又叛七月諸賊以饒信地不足慮遂分遣林振東據東鄉李蓬頭據安仁餘寇進至樂平分爲二道羅其熊率姚葉等由婺源走休寧申繼祖率張森等自浮梁趨祁門張名揚從焉刻期共會於徽州龔

據其城八月偽令周應召自閩至弋九月巴額二將軍從
江西出師大破賊兵復徽州諸賊戰敗退回樂平張名揚
返弋營於西鄉之塔岡先是附近領劄者甚衆已而戰敗
紛紛逃匿耿逆聞之謂烏合之衆易潰不可用遣偽宣納
司馮某偽都尉吳某率精賊二千助戰且令徧詣諸賊營
汰除冗卒散遣之又遣偽分守湖東道金興國及其弟偽
將金鎮國至弋令推遭敗逃之員將治以法興國至惟借
以索賄賄入卽免弋城無賊兵偽令周應召以大寇在樂
平供運炮械日役數百人民甚苦之

上饒縣志

武事

卷十四

九

十四年乙卯春三月巴額二將軍帥師征廣信

饒州
事考

弋陽志云是年耿逆遣偽兵曹蔣得軫偽將軍徐某將兵
三千至弋營於東關令偽將金鎮國等營於西關立法訓
練爲再舉入寇計得軫絳蟒金幘貴倨甚其教士用古陣
法圖縱百姓聚觀有同劇戲識者笑之巴額二將軍息兵
徽州已久羣賊意懈至是進收浮梁五月二十六日自浮
梁趨樂平羣賊倉皇迎戰於石頭街大敗退回弋陽二十
七日二將軍乘勝走間道直抵篠箬埠夜拔營由花亭僻
徑潛師壓賊壘二十九日黎明西關賊將金羅姚張等率

眾八九萬前薄大軍大軍小却斂兵退而柯逆又自府來
援二將軍諜知之復潛師東行繞出其後反擊之於晚港
柯逆大敗走回廣信二將軍取其旗直趨蔣營蔣以爲柯
逆來援也不之備旣而飛炮入營中乃知爲大兵倉皇繞
營走時方大水賊自相蹂躪及溺死者數萬人僞吳都尉
僞馬宣納死於水金鎮國死於陣蔣得輅策馬亂流適遇
浮木憑之以濟與姚羅諸賊走入閩閩五月初三日巴額
二將軍進取府城柯逆遁僞左將執而斬之當是時永鉛
皆賊壘而衢州之九龍山又屯重寇出沒江山草坪間二

上饒縣志

武事
卷十四

十

將軍以孤軍據一府力抗東南兩面之賊不能西顧賊當
大創之後亦不敢居城郭興弋以西虛無人弋村民慕義
者齎牛酒輸糧糗以申誠款七月知縣薛巖起至弋無民
無署寄居府城時弋經百戰暴骨滿野自五月後溪水腥
穢不可食僧雪嵐竭數月之力收而聚之天師墳前雜亂
不可以軀計數其髑髏得一萬三千二百餘七月十五日
分埋義塚先是僞救遠將軍朱統錫九月初三夜遣僞都
督徐達榮等乘虛突入弋城焚燒縣堂及諸官署民居俱
盡時統錫屯南鄉張名揚屯北鄉統錫迫民爲兵不從者

斬

殺之又勒其助餉張名揚尙不妄殺北鄉之民避難者尙多全活

貴溪知縣畢士俊申請援兵總督董衛國發營將佟國棟曹得成協同畢士俊原駐防楊名帶領鄉導十二月乘雪夜直抵賊營賊不及備大破之朱統錫隨遁入閩境賊衆始解居民漸有歸者

貴溪志

十五年丙辰春正月耿逆僞將軍郭忠孝自九龍山率賊衆由廣豐至廣信水南一杯亭巴額二將軍出兵抵殺賊衆不敢渡河三月二將軍奉調回省知府高夢說隨行七邑

上饒縣志

武事卷十四

十一

復爲賊踞八月康親王大兵由衢入閩十一月浙督李之芳發兵由玉山至廣信招撫各屬始復安堵

前志

弋陽志云是年三月初一日巴額二將軍兵赴省府城空虛復爲僞襄武將軍所據而張名揚亦入弋陽蔣賊敗遁之日僞令周應召走鉛山至是復來朱統錫亦欲據城而爲名揚所先憤甚糾合僞都尉白顯忠大掠弋郊名揚盡收郊外之民閉城拒守統錫顯忠畱屯三日周應召曲諭之乃解去時閩逆以徽饒事屬白顯忠令張名揚聽其節制顯忠召名揚至德興將再出見閩中逆勢已絀遂不果

六月名揚棄顯忠歸弋雷屯兩月以城中糧盡就食北鄉屯於石壘十月病死其部下猶萬餘人共推名揚之弟曰曠日曠曰能從我歸正則可眾許諾日曠乃領之是時康親王率大兵已入閩關浙督李公之芳發兵收復玉山段總兵亦自浙來收廣信廣營中軍楊名故與日曠善數言之於總督總督令千總王德功持薛令書召之十二月日曠攜其兄偽總兵印并率其兄子磨悉眾投誠

十八年己未提督許貞移鎮廣信調發官兵會同浙督標兵進剿攻破八磔等處賊巢斬馘不計其數

前志

上饒縣志

武事卷十四

十一

二十一年壬戌夏四月海宇清寧四方蕩平奉

命沙汰冗兵適有譟鎮信州軍所轄皆新附卒聞風即譁聚眾走

險踞封禁山為巢七邑驚駭知府孫單騎赴任默為籌畫

馳檄各邑聯絡堵禦眾遂瓦解

鉛山志

二十八年己巳建昌有吳讓僭亂率黨入郡界知府馬協一偵知會同城守參將王志率兵撲勦擒獲吳讓解省

上饒志

上饒縣

漢

建安十年乙酉權使賀齊討上饒分為建平縣

三國志

唐

代宗初張鎬為撫州刺史遷洪州觀察使更封平原郡公袁

晁寇東境江介震動鎬遣兵屯上饒斬首二千級

唐書增

宋

嘉定四年辛未賊屯沙溪鎮統制關師古自汭東討賊還與

喬仲福王德會信州賊聞之還屯衢信間

宋史

元

至正二十年庚子夏六月胡大海率兵至靈溪城中步騎數

千出迎戰擊敗之督兵攻城眾潰遂克之改信州為廣信

上饒縣志

武事卷十四

三

府以大海子德濟為同簽守之

通志

二十一年辛丑春三月陳友諒遣其將李明道寇廣信據草

坪邊浙東援兵胡德濟遣夏德潤出兵奪其墩戰死賊又

保玉山胡大海部繆美聞之來援與賊戰于東津橋遂復

玉山抵廣信絕明道歸路明道圍廣信悉德濟兵少嬰城

守遣使求援於父大海大海率師由靈溪進李文忠亦遣

兵援之德濟聞援兵至引兵出城與大海夾擊明道擒之

及其宣慰王漢二大海送明道漢二于文忠建昌守將王

溥漢二兄也遂歸附俱送建康太祖釋而用之

明史

明

宣德七年浙江豪民項三等聚眾潛入銅塘又于包公尖橫山頭洪山坑等處起立鹽場聚眾萬餘因而流劫居民周茂傑焚掠尤慘撫按會同福建都司合兵擒誅餘黨乃平

前志

嘉靖二十七年戊午七月廣東袁三叛寇玉山旋寇永豐執

主簿陳璉提督張以巡檢徐松領鄉兵至戰于鄭家坊

上饒

地不克死之賊渡分水關入關

呂懷建城碑記

四十年辛酉七月流賊袁三

即袁鳳

等破玉山順流而下時攝

上饒縣志

武事卷十四

十四

縣事推官姚篔

府志作掌貴溪縣事

阨塞之十月閩廣流賊從火燒

嶺突入邑南岡湖山

即江濟山

焚掠一月居民奔竄守道楊守

魯以兵逐之至弋陽為參將戚繼光所殲

皇清

康熙十三年甲寅春三月耿逆告警廣信城守副將柯昇於

四月二十四日挾標下兵目反奪城出由永豐至二渡關

駐紮五月昇遣偽將分路圍城知府高夢說同知侯七乘

突圍奔省府屬七邑俱為賊踞

通志

十六年丁巳二月大軍抵省知府高夢說復任不踰時又有

逆賊江拐子蘇百文盤踞上饒南鄉錢村日出剽掠

前府志

十七年戊午春三月提督趙賴移駐廣信與浙省兵會勦玉

山賊攻破老鼠洞八仙洞烏風洞渠魁何秉誠率眾歸順

議勦江機會賴調往攸縣賊復鳴張八月總督董衛國親

臨撲勦攻破錢村封禁山賊巢勢窮乞降偵得衛國有征

楚信遂匿不出既旋師江機楊一豹熊文生蘇百文張聞

魁呂貴陳輝羅有喜李日昇等結寨聚糧殺掠逾甚

前志

逆賊江拐子蘇百文盤踞廣豐十五都龍公坑及上饒錢村

等處日出剽掠二月十七日拐子統賊駐屏風山焚劫水

上饒縣志 武事 卷十四

五

南防守把總會龍堵禦中炮死郡城中軍莊亮領兵至賊

乃遁

廣豐志

十九年庚申夏五月逆賊江機楊一豹相繼投撫江西全省

餘寇盡除

江右救寧疏畧

二十四年乙丑有薛道士者潛入上饒四十六都以妖術惑

眾散劄倡亂招集亡命陳扁頭等數百人流毒鄉村官兵

協同南鄉都綱撲勦追至博嶺地方斬數十級薛道士陳

扁頭皆授首餘黨潰散地方以寧

前志

附論

竊惟饒之爲邑本非用武地也封域處乎偏隅無險要
之可據富強之足資爲攻守所必爭者惟以郭附信州
居江省東北之上游境接浙閩路通楚粵流賊便道而
肆掠土寇結黨而滋擾最足爲地方害耳觀于前代之
變自後唐以迄于明累朝之際信州之被兵者數矣其
間或爲賊將所據或爲官軍所克率皆攻取無常平復
靡定而外寇內匪得乘其變而縱橫蹂躪于其間去來
出沒勦捕所不能淨以通衢而無重鎮故也然以賊易
潰散民多逃亡故尚無屠戮之慘而死傷流離之苦爲

上饒縣志

武事
卷十四

六

已極矣迨至

聖朝永清大定之後而閩中逆變且有信營將弁叛而附逆
導賊擾境致郡邑文吏倉皇乞勦賊首就殲而地方始
靖於今百餘年來內外無虞州民幸得富完安樂斯受
庇於
盛世之鴻庥者誠斯土永綏之慶也第奸匪之伏有不可
不預防其患者武事之備非其要哉